

عدد — ۸۸

امور اداره و تحریریه و اعلانات و ساژہ
ایچون مدیر مسئولہ مراحت ابدالمبدر.

صرفای امتک مقالات متصوفانہ لرینہ
جریدہ سوفیہ نک حیفہ لری آچہ بیدر.
درج ابدلیان اوراق اعادہ ابداز .

جریدہ تصوفیہ

شیمدیلک هفته ده بر نشر اولنور .

نسخہ سی ۴۰ پاره در

ابونہ سی : بر سنہ لک اعتبار بلہ ممالک
عنائیہ ایچون ۴۰ الی آیلنی ۲۵ فروش
وممالک اجنبیہ ایچون اون ایکی فرانقدر

حل اداڑہ باب عالی جوارندہ ابوالسعود
جادہ سده نجم استقبال مطبعہ سی

تصوفی ، دینی ، اخلاقی ، سیاسی جریدہ اسلامیہ در

دائرة مشیخته

دائرة مشیخت بالخاصه تزین ایدلمش و مأمورین مشیخت شیخ الاسلام افندی حضرت تهرینه انتظاراً دائرة حولیسندہ اخذ موقع ایشلردر . شیخ الاسلام افندی حضرت تهری ساعت ایکی بیجہ طوغری باب عالیہ کلدگری هیئہ دائرہ داخل و مقام معالی مشیخی اشغال بیوردیلر . دعا کو افندی طرفندن بلیغ بردعا قرائتدن صکرہ فتوا امینی حاجی احمد توفیق افندی علی الاصول بروجه آتی بر فتوا کتیردی: « زید مؤمن بر امر ذی بالہ شروع ایتدکده مبارک و کامل اولق ایچون بسم الله الرحمن الرحيم الحمد لله رب العالمين ديمک لازم اولورمی؟ الجواب : اولور . »

مشار الیه حضرت تهری تیمناً مذکور فتوای و بعده کندیلرینه تقدیم اولنان حجت و تعمیمی امضا ایشلردر .

فضاء کرامه کشیده اولنان تفرافنامه صورتیدر : عواطف سنیہ حضرت خلافتناھیدن مسند مشیخت بوکرہ عہدہ مخاصمیہ تفویض بیورلغله مستعیناً بتوفیقہ تعالی ایفای وظیفہ بہ مباشرت اولندی . مأمورین شرعیہ نک وظائف موکولہ لری احکام عادلہ شریعت و اساسات مبجلہ مشروطیت دائرہ سندہ حسن ایفایہ اعتنا ایتلری بغایت ملتزم اولدیغندن بومسلك قويہ سالک اولانلرک نائل مکافات و خلاقی حرکتدہ بولنالرک دوچار مجازات اولہ جقلری خاصہ اخطار و مباحقات قضائتہ ايفای وصایا اولنمسی توصیه اولنور .

شیخ الاسلام و اوقاف هایون ناظری

خیری

اوقاف هایون نظارتی و کالتی

شیخ الاسلام خیری افندی حضرت تهری اوقاف نظارتی و کالتی دہ ایفا ایدہ جکلردر .

ارتحال مؤسسف

بر مدت نبری راحتسز بولنان شیخ الاسلام اسبق عبدالرحمن نسیب افندی ترک جامہ حیاتلہ واصل رحمت رحمن اولمشدر .

بر آی قدر اول ارتحال داز نعيم ایلینان مرکز افندی شیخی مرحوم احمد مسعود افدینک حریمی خام دار آخرتہ انتقال ایشلردر .

سابق امام اول حضرت شہریاری الحاج اسماعیل حق افندی ارتحال دار عقبای ایش و یحیی افندی درکاهی خطیرہ سنہ دہین خاک عطرناک قلدمشدر .

رحمۃ الله علیہم

مدیر مسئول : حسن کانظم

نجم استقبال مطبہ سی


مشارالیه سرای هایونہ دعوت ایدلمشدر .

ارادہ سنیہ حضرت پادشاهی موجبنجہ خیری بک افندی صدراعظم حضرت تهریلہ برلکده اوکلہ دن اول سرای هایونہ عزیمت و سقرین حضرت شہریاری محمد توفیق و باش کاتب علی فواد بکدر دلائیلہ حضور شاہانہ بہ قبول بیورلمشدر .

ذات حضرت پادشاهی ، مسند جلیل مشیخت اسلامیہ نک عہدہ لرینہ توجیہ اولندیغنی بیان ایلدکدن صکرہ اوقاف و مؤسسات اسلامیہ نک اعمار و اصلاحی امرندہ مشاهد اولان مساعی رویتکارانہ لرینہ نظراً محاکم شرعیہ نک حسن تنظیمی و مدارس اسلامیہ نک اصلاحی حقندہ کی ارزوی هایونلرینک حصولنہ موفق اولہ جقلرینہ اعتماد شاہانہ لرینک برکال بولندیغنی دہ علاوہ و حقوق اسلامک تأمینتی و ایتم صندوقلری معاملاتنک تنظیمی دہ آریجہ ارادہ و توصیه بیورمشلر و مشار الیہ حضرت تهرینک توفیقات صمدانیہ بہ مظهریتی تمی ایشلردر .

طرف اشرف حضرت پادشاهیدن لطفاً ابذل بیوریلان التفات و عاطفتدن دولای شیخ الاسلام افندی حضرت تهری خاک پای شاہانہ بہ عرض تشکر و عبودیت ایشلردر .

خط هایون صورتیدر:



« وزیر معالیسمیزم محمد سعید پاشا »

« شیخ الاسلام اسعد افدینک وقوع استعفا سنہ و مقام مشیخت بالجلہ محاکم شرعیہ و مدارس علمیہ نک مرجعی اولوب مؤسسات مذکورہ نک احکام شرعیہ و احتیاجات حاضرہ بہ کورہ تنظیم و اصلاح اموری لابد و اوقاف هایونمز ناظری خیری افدینک مؤسسات علمیہ و خیریہ و قبیہ نک حسن اداره سی امرندہ مساعی رویتکارانہ سی مشہود اولسنہ و کندوسی اساساً طریق علمی بہ منسوب و معاملات شرعیہ بہ واقف بولنسنہ مبنی مسند مشیخت اسلامیہ عہدہ استیالہ توجیہ و احالہ اولہ رق باب عالمزہ اعزام قلنمشدر . جناب حق توفیقات صمدانیہ سنہ مظهر بیورسون آمین بحرمة سید المرسلین . »

۱۸ ربیع الآخر سنہ ۱۳۳۲ ۳ مارت سنہ ۱۳۳۰

محمد رشاد

دعا کو افندی طرفندن بردعا قرائتی متعاقب وکلا و مأمورین ایفای راسمہ تبریکات ایلدیلر ، بعده شیخ الاسلام افندی حضرت تهری عین مراسم ایلہ دائرة مشیختہ عزیمت بیوردیلر .